



BOSNA I HERCEGOVINA
Federacija Bosne i Hercegovine
TUZLANSKI KANTON
GRAD GRAČANICA
Služba za prostorno uređenje, geodetske i imovinsko-pravne poslove



**INFORMACIJA O
ZBRINJAVANJU NAPUŠTENIH I IZGUBLJENIH ŽIVOTINJA
(PASA LUTALICA I MAČAKA) NA PODRUČJU OPĆINE GRAČANICA**

GRAČANICA, juni 2020.godine

1. UVOD

Informacija je pripremljena radi kontinuiranog (godišnjeg) upoznavanja sa problematikom primjene Zakona o zaštiti i dobrobiti životinja („Službeni glasnik BiH“ broj: 25/09) na području našeg grada. Zakonom se propisuje odgovornost ljudi za zaštitu i dobrobit životinja, držanje, smještaj i prehranu životinja, te zaštita od zlostavljanja, zaštita pri usmrćivanju, zaštita pri prijevozu, a posebno zaštita divljih životinja. Regulisan je odnos prema napuštenim životnjama, kućnim ljubimcima i laboratorijskim životnjama. Zakonom su određene visoke novčane kazne za prekršioce zakona.

2. PROBLEMATIKA PRIMJENE ZAKONA

Nakon 11 godina od donošenja Zakona Federacija BiH i dalje se suočava sa problemima u njegovom provođenju, nezadovoljstvom javnosti i porastom broja napuštenih životinja u gradovima /općinama. Stavovi o provodivosti zakona često su kontradiktorni, a zavisi da li dolaze od strane nezadovoljnih i uplašenih građana, jedinica lokalne samouprave ili udruženja za zaštitu životinja. Jedinice lokalne samuprave imaju problem obezbjeđenja potrebnih sredstava za provedbu zakona (sterilizacija, izgradnja i održavanje azila i dr.).

Na osnovu Odluke o komunalnom redu („Službeni glasnik Grada Gračanica“ broj 7/19) obavljanje kafilerijskih poslova koji obuhvataju poslove hvatanja napuštenih i izgubljenih životinja te daljnje postupanje sa njima u skladu sa Zakonom o zaštiti i dobrobiti životinja, te neškodljivo uklanjanje životinjskih leševa sa javnih površina, kao komunalnu djelatnost, Grad Gračanica obezbjeđuje putem JP „Veterinarskaj stanica“ Gračanica. Ovo preduzeće 2011. godine je u svom krugu izgradilo ambulantni stacionar za napuštene životinje (pse latalice). U okviru stacionara postoji i higijeničarska Služba. Ona je zadužena za održavanje higijene u ambulantnom stacionaru, za hvatanje napuštenih pasa i njihovo zbrinjavanje u stacionaru. Na području MZ Gračanica svakodnevno se vrši obilazak i hvatanje pasa, a na područjima drugih MZ-a obilazak, hvatanje i zbrinjavanje vrši se po potrebi – pozivu građana.

3. INFORMACIJA JP „VETERINARSKA STANICA“ d.o.o. O POSLOVIMA U STACIONARU ZA 2019. GODINU

U 2019. godini¹ JP „Veterinarska stanica“ je u ambulantnom stacionaru zbrinulo 274 psa. Svi psi su prilikom dolaska u stacionar podvrgnuti kliničkom pregledu od strane osobљa JP „Veterinarska stanica“. Nakon toga su podvrgnuti hirurškim zahvatima orhiektomije/ovariohisterekтомije. Zajedno s tim zahvatima izvršeno je i mikročipovanje pasa, urađena je vakcinacija protiv bjesnila i dehelmintizacija.

Od različitih vlasnika na području grada udumljeno je 36 pasa, zbog starosrosti uginulo je 12 pasa, a nad 61 psom je izvršena eutanazija jer je kod pasa izvršena kao posljedica dijagnosticiranja zaraznih bolesti parvoviroze/štenećak, teških kožnih infekcija ili zbog prevelikog stepena agresivnosti. Nakon eutanazije psi su adekvatno zbrinuti.

¹ Podaci iz Informacije broj 96/20 od 08.05.2020. god koju je Službi dostavilo JP „Veterinarska stanica“

Zbrinjavanje pasa latalaca vršilo se na teritoriji cijelog grada u svim mjesnim zajednicama. Pregled je dat u tabeli:

red. broj	mjesna zajednica	broj zbrinutih pasa
1	GRAČANICA	128
2	LUKAVICA	5
3	GORNJA ORAHOVICA I	14
4	DONJA ORAHOVICA	18
5	MIRIĆINA	18
6	DONJA LOHINJA	15
7	PRIJAVA	6
8	DOBOROVCI	14
9	DŽAKULE	6
10	MALEŠIĆI	10
11	VRANOVIĆI	8
12	SOKO	5
13	ŠKAHOVICA	6
14	BABIĆI	8
15	PISKAVICA	3
16	STJEPAN POLJE	5
17	RAŠLJEVA	3
18	PRIJEKO BRDO	1
19	TRNOVCI	1

Problem s kojim se JP „Veterinarska stanica“ Gračanica susreće u obavljanju ovih poslova je da ostale veterinarske stanice u gradu koje učestvuju u programu Dogs Trust, pse koje su u svojim stanicama podvrgli hirurškim zahvatima puštaju u centar grada, a ne na mjesta na kojima su uhvaćeni. Dalja briga i zbrinjavanje ovih životinja predstavlja dodatnu obavezu za JP „Veterinarska stanica“.

3. ZAKLJUČAK

U Odluci o komunalnom redu („Službeni glasnik Grada Gračanica“ broj 1/20 članovima 184.-189. određeni su uslovi za držanje domaćih životinja i postupanje vlasnika, a dio odredbi odnosi se na hvatanje i dalje postupanje sa napuštenim psima, mačkama i drugim životnjama.

Svake godine u budžetu se namjenski izdvajaju sredstva za liječenje, sterilizaciju, čipovanje i hranjenje napuštenih životinja, kao i za održavanje stacionara. Uprkos ograničenom budžetu i preprekama u radu, na području cijelog grada nisu zabilježeni veći problemi niti povećanje broja pasa latalica, a što upućuje na kontinuirano obavljanje ovih poslova od strane JP „Veterinarska stanica“ d.o.o..